

सानसेयारि "बड'सा" खीरालाइयाव समाजयारि जिज्जो लोब्बा थानाय रायथाय, खन्थाय, खल', खल'बाथा आरो दववयारि थावनि, पार्क बाइदिनि सायाव लिखनाय लिखिबां दैथाय हर/ सानसेयारि "बड'सा" खीरालाइया खेबरानानै फोसावगोन।

बड'सायाव लिखनायनि दुबा खालाम, "बड'सा" खीर नौथां, जौ बयबो आंगो खालाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि- 783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Friday ★ 8 October, 2021 Kokrajhar, BTC, Assam ★ Vol.- 31, Issue No. 193 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## भुमी फुजाजौं आफां कपिली दै मोब्लिब बिथांखिखौ बेखेवनानै होबाय मिरु मन्थि निर्मला सितारमनआ

### जौ डिमा हासावनि गोस्त्रै जौगाखांनयखौ रोखा खालामगोन: हिमन्त

दिसपुर, 7 अक्टबर: आसामआव मोब्लिब दिहुन्थायखौ बांहोनायनि थांखिजौं मिरु रांखान्थि मन्थि निर्मला सितारमनआ आसामनि गिबि मन्थि ड हिमन्त बिश्व शर्मानि नुजाथिनायाव दिने भुमी फुजा एबा हा फुजा होनायजौं आसाम गोहो दिहुनग्रा निगम लिमिटेडनि 120 मेगावाट आफां कपिली दै मोब्लिब



बिथांखिनि खामानि-दामानिखौ बेखेवो। मख'नो गोनांदि, आसाम मोब्लिब दिहुन्थाय गोहोखौ बांहोनायजौं लोगोसे नख'रफोमबो नख'रारिफोरा जेयव मोब्लिब सिबिथाय मोनो हायो बे थांखिजौं भारत सरकारआ 120 मेगावाट दै मोब्लिब बिथांखि गायसनायनि थाखाय 2020 माइथायनि डिसेम्बर दानआव एसियाव डेभेलपमेन्ट बैंकजौं 231 निजुत डलार दाहार लानो रदायलाइयाव मुंसाइलायदोंमोन। कपिली (□ 5 बिलाइआव)

## 58 नं तामुलपुर बिधान सभा बियाबआव साब्रै बिजाथिफोरा नमिनेसनलाइ गथायबाय

### बियाबनिफ्राय इउपिपिएल दोलोनि बिजाथिआ देरुहगोन: प्रमद



बाक्स, 7 अक्टबर: राइज्योआव खुंफुंजानो गोनां उफ्रा बिसायख'थिखौ लानानै आधिखालाव जागायजेनबाय

बिसायख'थियारि थासारिआ। बाक्स जिल्लानि 58 नं तामुलपुर बिधान सभा बियाबआव बिसायख'थियारि

थासारिआ जागायबाय। इउपिपिएल दोलोनि एमएलए लेहराम बर'आ हरखाबे रंसारि जानायाव लांदां जानानै दडमोन तामुलपुर बिधान सभा मासिआ। दिने तामुलपुर बिधान सभा बियाबनिफ्राय साब्रै बिजाथिफोरा नमिनेसनलाइ गथायबाय। आबुडै कभिड पटकल मानिना नै बाक्स जिल्लानि मुसलपुरआव थानाय जिल्ला बेगिरि मावखुलिआव नमिनेसनलाइखौ गथायनानै होयो इउपिपिएलनि बिजाथि बियाबआव बिसायख'थियारि (□ 5 बिलाइआव)

### चिराडाव जर'खा कभिड भेक्सिन थुनाय हाबाफारिआ जागायबाय



बासुगाव, 7 अक्टबर: चिरां जिल्ला खुंथाय दिनेनिफ्राय जिल्लायव सरासन्हा राइजो-राजाफोरखौ कभिड भेक्सिन थुजाहोनो थाखाय गोनांथार थांखि लादों। बे बिधिडाव जौसे जौखोन्दो सेथि खेब कभिड भेक्सिन थुजाथानयनि हाबाफारिखौ दिनेनिफ्राय बेखेवजेनबाय। कभिड (□ 5 बिलाइआव)

### भवानीपुर बियाबआव उफ्रा बिसायख'थिनि अबहावा



दियै गिबि मन्थि ड हिमन्त बिश्व शर्मानि नुजाथिनायाव फनिधर तालुकदारआ नमिनेसनलाइ गथायगोन

सालबारि, 7 अक्टबर: राइज्योनि मोन 5 बिधान सभा बियाबआव खुंफुंजानो गोनां उफ्रा बिसायख'थिनि सानआ फोसावजानायनि उनावनो बाक्स आरो बजाली जिल्लाखौ लाफानानै दाफुंजानाय भवानीपुर (□ 5 बिलाइआव)

सालाकाति हस्पतालआव (□ 5 बिलाइआव)

## चिराडाव मुलाफ्यारिफोरनो खुन्दुं, ब्लेकेट आरो जि दानायाव बाहायग्रा आगुफोर रान्दों मावफुं सोद्रोमा धनन्जय बसुमतारिआ

काजलगाव, 7 अक्टबर: बिटिसिनि हेन्डलुम एन्ड टेक्सटाइल बिफाननि मावफुं सोद्रोमा धनन्जय बसुमतारिआ दिने बृहस्पतिबारखालि जिल्लानि सिडाव थानाय सायख'जानाय माखासे मुलाफ्यारिफोरनो खुन्दुं, ब्लेकेट आरो जि दानायाव (□ 5 बिलाइआव)



## सालबारिआव हादान थुनलाइयारि आदानि गायसन्थाय सान फालिदों

भवानीपुर, 7 अक्टबर: सालबारिनि थुनलाइयारि आफाद हादान थुनलाइयारि आदानि गिबि बोसोरारि गायसन्नाय सानखौ बुधबारखालि सालबारिआव थानाय नकुल मार्केटआव सानसेनि हाबाफारिजौं खुंफुंनाय जादों। मख'नो गोनांदि, गायसन्नाय सानआव हादान थुनलाइयारि आदानि 7 थि राव-थुनलाइ-हारिमुनि आदा खुंफुंनाय जादों। गायसन्नाय साननि जागायजेनायाव आलारि

बाधि फोजौंजेनानै होयो हादान थुनलाइयारि आदानि गायसनिगिरि आरो बिटिसिनि सालबारि बियाबनि टिसिएलसिसिनि मासिगिरि बिन्द मोसाहारिआ। बेनि उनाव हादान थुनलाइयारि आदानि आफादगिरि-बिबुंगोरा रसेन मोसाहारिनि सामलायनायाव राव-थुनलाइ-हारिमुनि 7 थि आदाखौ बेखेवनानै होयो गागि समाज सिबियारि बरपेट जिल्ला आइटिडिपिनि बारग'

आफादगिरि नकुल चन्द्र बर'आ। हाबाफारिआव बिटिसिनि बारग' एमसिएलए आरो गागि खन्थाइगिरि- (□ 5 बिलाइआव)

बिसायख'थि मावख'गिरिआ आसाम उफ्रा बिसायख'थिनि थाखाय गाइडलाइन फोसावबाय

राजखान्थि दोलोफोरा मोनाबिलि 7 सिगिनिफ्राय फुंबिलि 10 सिगिसिम बिसायख'थि फोसावदिनो मोन्याय नडा

गुवाहाटी, 7 अक्टबर: आसामनि मोन 5 बिधान सभा बियाबनि उफ्रा बिसायख'थिनि थाखाय दिने मोनसे गाइडलाइन फोसावबाय।

## गुन गोनां सोलोथायारि आबहावानि सायाव सावरायमेल खुंदों

बासुगाव, 7 अक्टबर: गुन गोनां सोलोथायारि आबहावा सोरिजनायनि थांखिजौं दिने कक्राझार जिल्लानि कक्राझार सोलोथाय खोन्दोनि जरेगाव फुंखा मन्डल मिरु (सिआरसिसि)नि सिडाव थानाय 677 नं उजान खावनिभाषा गुदि फरायसालिनि लांगोनायाव दिने मोनसे मेल खुंनाय जादों। फरायसालि सामलाय आफादनि सामलायनायाव खुंफुंजानाय मेलआव गाहाय आलासि महरे (□ 5 बिलाइआव)

## राइज्यो केबिनेटआव माखासे गोनांथार थांखिफोर लादों

गुवाहाटी, 7 अक्टबर: राइज्योनि देहा मन्थि केशव महन्तआ मोनसे खौरगिरि जथुम खुंनानै बुधबारखालि केबिनेटआव लानाय गोनांथार थांखिनि आयदाफोरखौ फोरमायथिदों। राइज्योयारि केबिनेटआव थांखि लानाय बादियै लामा-लामा फालांगि खालामग्राफोरखौ हेफाजाब होनो (□ 5 बिलाइआव)

## सालबारिआव हादान थुनलाइयारि आदानि गायसन्थाय सान फालिदों

भवानीपुर, 7 अक्टबर: सालबारिनि थुनलाइयारि आफाद हादान थुनलाइयारि आदानि गिबि बोसोरारि गायसन्नाय सानखौ बुधबारखालि सालबारिआव थानाय नकुल मार्केटआव सानसेनि हाबाफारिजौं खुंफुंनाय जादों। मख'नो गोनांदि, गायसन्नाय सानआव हादान थुनलाइयारि आदानि 7 थि राव-थुनलाइ-हारिमुनि आदा खुंफुंनाय जादों। गायसन्नाय साननि जागायजेनायाव आलारि बाधि फोजौंजेनानै होयो हादान थुनलाइयारि आदानि गायसनिगिरि आरो बिटिसिनि सालबारि बियाबनि (□ 5 बिलाइआव)

## उफ्रा बिसायख'थि: गसाइगाव बियाबआव सा 4 बिजाथिफोरा नमिनेसन लाइ गथायबाय



गसाइगाव, 7 अक्टबर: फैगौ 30 अक्टबरआव खुंफुंजानो गोनां

आसामनि मोन 5 बियाबनि उफ्रा बिधान सभा

बिसायख'थिनि थाखाय बिजाथिफोरनि नमिनेसन बिलाइ

गथायनाया सोलिगासिनो। बिसायख'थि आयगआ बिजाथिफोरनि नमिनेसन बिलाइ गथायनायनि जोबथा अक्टखौ 8 अक्टबरसिम खानानै होखानाय हिसाबे दिने 7 अक्टबरखालि राइज्योनि मोन 3 बियाब फारियै 28 नं गसाइगाव, 58 नं तामुलपुर आरो 107 नं तावर बियाबआव गुबुन गुबुन राजखान्थि हान्जानिफ्राय बिजाथिफोरनि नमिनेसन बिलाइ गथायनायखौ होंगो-दोंगो नुनो (□ 5 बिलाइआव)

## गुवाहाटी-सा गुवाहाटी फोनांजाब दालानि लुफुंबाय थानाय खामानिखौ नायसहैदों गिबि मन्थि आरो मिरु रांखान्थि मन्थिआ

दिसपुर, 7 अक्टबर: आसामनि गिबि मन्थि ड हिमन्त बिश्व शर्मा आरो मिरु रांखान्थि मन्थि निर्मला सितारमनआ दिने गुवाहाटी नोगोरमनि सनारम गोजौंसिन गेजेरारि फरायसालिनि गेलेमु फोथारनि साखाथिआव गुवाहाटी आरो सा गुवाहाटीखौ फोनांजाबनानै बुलुवुथुर दैमानि सायाव लुफुंजानो गोनां 6 लेन गोनां दालानि लुफुंबाय थानाय (□ 5 बिलाइआव)















